

Domat, ils 30 da schaner 2020

## COMMUNICAZIUN A LAS MEDIAS

---

### **Motiv da sa legrar: l'EMS-CHEMIE survegn il Premi Naziunal da la Furmaziun**

**Cun luschezza ha l'EMS-CHEMIE pudì retschaiver mesemna passada il «Premi naziunal da la furmaziun». Christian Fiechter, president da la Fundaziun Hans Huber, ha surdà a la scheffa da l'EMS Magdalena Martullo la distincziun prestigiusa en il rom d'ina gronda festa tar l'EMS-CHEMIE a Domat. Il cusseglier guvernativ Jon Domenic Parolini ed il president communal Erich Kohler han engrazià surtut als furmaturs ed als passa tschient emprendists.**

Cun il Premi naziunal da la furmaziun distinguan la Fundaziun Hans Huber e la Fundaziun FH SVIZRA mintg'onn in'interpresa naziunala che porscha ina furmaziun professiunala exemplarica e che s'engascha dapi blers onns a moda persistente e cun in vast effect general a favur da la furmaziun da basa duala. L'EMS-CHEMIE saja in'interpresa lavurusa che na produceschia betg mo materias sinteticas spezialas innovativas, mabain scolescha e promovia er a moda sistematica persunal autamain qualifitgà da damaun, ha Christian Fiechter ditg en il rom da sia undraziun. «I dat paucas interpresas che porschan a lur emprendistas ed emprendists uschè bunas perspectivas e promovian els sco qua», ha Fiechter accentuà a chaschun da la surdada dal Premi naziunal da la furmaziun a la scheffa da l'EMS Magdalena Martullo.

L'interprendidra che maina l'EMS cun grond success ha exprimì ses grond plaschair da questa distincziun particulara. «Noss success dependa da nossas collavuraturas e noss collavuratur. 75% da tuts disponan d'ina scolaziun professiunala terminada», ha Martullo menziunà. L'EMS-CHEMIE che ha cumenzà gia il 1943 a scolar ils emprims emprendists ed è oz la pli gronda furmatura d'emprendists en il chantun Grischun, porscha 15 professiuns cun emprendissadi. Quellas sviluppan abilitads fitg differentas dals giuvenils. Cun ils agens programs da mobilitad pon las emprendistas ed ils emprendists da l'EMS far gia l'emprim onn d'emprendissadi in segiurn a l'exteriur per frequentar curs da lingua e far practicums, avant ch'els pon alura pli tard lavurar en in dals 25 lieus da produenziun en l'entir mund. «Vegnir a frida sulet en in auter pajais e viver a moda independenta lunsch davent da chasa – quai è in'experiencia particularmain preziusa», ha la scheffa da l'EMS declerà. En ses pled ha ella engrazià a

tut quels che s'engaschan mintga di a favur da la furmaziun professiunala tar l'EMS. L'EMS scolescha var 140 agens e passa 100 emprendists per terzas firmas.

Er il directur da l'educaziun publica dal chantun Grischun, Jon Domenic Parolini, ha engrazià per l'engaschi da l'EMS-CHEMIE en il sector da la furmaziun. Quel cumpiglia bler dapli che la stgetta furmaziun professiunala. Cun las purschidas en il rom dal pass da vacanzas e dals champs da MINT per uffants da la scola primara, ma era cun l'emprim Science Center grischun EMSORAMA ed EMSORAMA Mobil possia ella svegliar gia baud la fascinaziun per la scienza natirala e la tecnica. El ha plinavant accentuà che 40 giuvenils termineschian mintg'onn ina grondiusa scolaziun a l'EMS-CHEMIE ed entrian en il mund da lavur, quai che saja da gronda impurtanza per l'economia publica dal chantun.

Il president communal Erich Kohler ha valità las prestaziuns da l'EMS-CHEMIE en il sector da la furmaziun sco in «cas da fortuna». El saja losch d'avair gist davant l'isch-chasa in dals megliers manaschis d'emprendissadi da la Svizra. In tal engaschi na sa chapeschia betg da sasez e la vischnanca haja profità fermamain da quel ils ultims decennis.

Ils giasts èn vegnids pupragnads culinaricamain gist da las emprendistas e dals emprendists sezs che han servì drinks misterius or da la bar da labor da l'EMS. Durant la visita da l'EMSORAMA han ils giasts silsunter pudì sa laschar entusiasmar persunalmain da las ciencias natiralas e da la tecnica. Els han gi plaschair d'experimentar, smirvegliar, admirar e rir cun la rudlera gigantesca «Mungga-Trail», il «portal ad artg» u il «catapult d'impuls». Insanua ed insaco è tuttina mintgin er in «emprendist» ...

\* \* \* \* \*

#### **La furmaziun professiunala tar l'EMS-CHEMIE**

L'EMS scolescha var 140 agens emprendists e passa 100 emprendists per terzs manaschis en 15 professiuns:

- |   |   |
|---|---|
| – manader/-dra d'implants                       | – constructur/a   |
| – construider/-dra d'implants e d'apparats      | – tecnolog/a da materias sinteticas                     |
| – automaticher/-cra                             | – laborant/a da chemia                                  |
| – electroinstallatur/a                          | – loghisticher/-cra                                     |
| – spezialist/a per il mantegniment dal manaschi | – mediamaticher/-cra                                    |
| – informaticher/-cra                            | – polimecanist/a  |
| – commerziant/a                                 | – montader/-dra d'automatica (a partir da l'avust 2020) |
|   | – mecanist/a da produenziun (a partir da l'avust 2020)  |

**Chatta era ti tia piazza d'emprendissadi tar l'EMS sin [www.lehrebeiems.ch](http://www.lehrebeiems.ch)**

## EMSORAMA/EMSORAMA Mobil

### Mo cun preannunzia!

L'EMSORAMA e l'EMSORAMA Mobil stattan a disposiziun **gratuitamain** per classas da scola, gruppas, uniuns, firmas, clubs, famiglias e las personas che s'interessan per las ciencias naturalas e la tecnica. Damai – divertiment e plaschair per tuts!

Infurmaziuns ed annunzias sin [www.emsorama.ch](http://www.emsorama.ch) u tel. **+41 (0)81 632 78 78** (dunna Pascale Beer)

**Visita ca. 90 – 120 minutas. EMSORAMA mo per gruppas, EMSORAMA Mobil tenor cunvegna**

**Per classas da scola datti materialias e fegls da lavur spezials.**

La visita è gratuita. In accumpagnament al lieu è garanti.

**EMS-CHEMIE SA**

**EMSORAMA resp. EMSORAMA Mobil**

**Via Innovativa 1**

**7013 Domat**

\* \* \* \* \*

### Fotos:

Fotos d'auta resoluziun pudais Vus telechargiar sur la suandanta colliaziun:

<http://www.ems-group.com/ftp/Kommunikation/Nationaler-Bildungspreis.zip>



1. Grond plaschair: Il president dal cussegl d'administraziun da l'EMS Ulf Berg, Christian Fiechter da la Fundaziun Hans Huber, l'anteriur cusseglier federal e patron d'onur da l'EMS-CHEMIE Christoph Blocher, la scheffa da l'EMS Magdalena Martullo, il cusseglier guvernativ Jon Domenic Parolini ed il president communal Erich Kohler (da sanestra a dretga), circumdads da las emprendistas e dals emprendists sco era dals furmaturs professionals da l'EMS-CHEMIE.



2. Suenter la surdada dal Premi Naziunal da furmaziun: Il president communal Erich Kohler, il president dal cussegl d'administraziun da l'EMS Ulf Berg, Christian Fiechter da la Fundaziun Hans Huber, la scheffa da l'EMS Magdalena Martullo, l'anteriur cusseglier federal e patrun d'onur da l'EMS-CHEMIE Christoph Blocher ed il cusseglier guvernativ Jon Domenic Parolini (da sanestra a dretga).



3. Las emprendistas ed ils emprendists maschaidan drinks colorads misteriusamain en la bar da labor da l'EMS (il president communal Erich Kohler, la scheffa da l'EMS Magdalena Martullo ed il cusseglier guvernativ Jon Domenic Parolini ed (da sanestra a dretga)).





4 Tge via percorra la culla? Bler divertiment cun la rudlera gigantesca "Mungga-Trail" en l'EMSORAMA.



5. Schizunt las fatschas pon vegnir masdadas en l'Emsorama.



6. Uschia han già ils Romans constrüì lur punts – il "portal ad artg" en l'EMSORAMA.



6. Il directur chantunal d'educaziun Jon Domenic Parolini e la schefa da Ems Magdalena Martullo avant la "gronda pitga d'aua" en l'Emsorama. Tge genereschan ils trais rintgs?



7. Tge culla va il pli ad aut? Gronda fascinaziun tar il "catapult d'impuls" en l'EMSORAMA.

\* \* \* \* \*